

Broj: 03-02-557/2019
Sarajevo, 17.02.2022. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 17-02-2022			
Org. jed.	Broj	Priloga	Vrijednost
01-	02-	989	/19

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u prilogu Vam dostavljam **Mišljenje o Prijedlogu zakona o specijalnoj edukacijsko-rehabilitacijskoj, logopedsko-audiološkoj i socijalno-pedagoškoj djelatnosti, kojeg je predložila Meliha Bijedić, poslanica u Predstavničkom domu Parlamenta Federacije BiH**, a koje je Vlada Federacije Bosne i Hercegovine utvrdila na 303. sjednici, održanoj 17.02.2022. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER

Fadi Novalić

Prilog: kao u tekstu na bosanskom jeziku

**Cc: Federalno ministarstvo rada i socijalne politike
gosp. Vesko Drljača, ministar**

Na osnovu člana 51. Poslovnika o radu Vlade Federacije Bosne i Hercegovine-Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH", br. 69/07, 2/08 i 26/20), nakon razmatranja Prijedloga zakona o specijalnoj edukacijsko-rehabilitacijskoj, logopedsko-audiološkoj i socijalno-pedagoškoj djelatnosti, kojeg je predložila Meliha Bijedić, poslanica u Predstavničkom domu Parlamenta Federacije BiH, Vlada Federacije Bosne i Hercegovine je, na 303. sjednici održanoj 17.02.2022. godine, utvrdila sljedeće

MIŠLJENJE

Federalno ministarstvo rada i socijalne politike je organ kojemu je zakonska nadležnost rješavanje pitanja iz oblasti rada i zapošljavanja, zaštite na radu, planiranje i programiranje penzijskog i invalidskog osiguranja, regulisanje pitanja iz oblasti socijalne zaštite i zaštite porodice i djece, ostvarivanja prava iz oblasti socijalne zaštite i zaštite osoba sa invaliditetom i civilnih žrtava rata.

Pitanja koja su uređena predloženim Zakonom, odnosno članovima kojima se utvrđuje nadležnost Federalnog ministarstva rada i socijalne politike za izdavanje rješenja i nadzoru nad zakonitošću rada Komora iz oblasti specijalne edukacije i rehabilitacije, logopedije i audiologije i socijalne pedagogije, nisu pravilno obrađena. Naime, ova pitanja su u isključivoj nadležnosti sektora obrazovanja, nauke i zdravstva. To što se aktivnosti Komora između ostalih, dijelom odnose i na rad sa osobama sa invaliditetom, ne znači da je Federalno ministarstvo rada i socijalne politike organ, koji bi bio nadležan za provođenje aktivnosti, naznačenih u tekstu Prijedloga zakona. Sam predlagač je odredio da su stručnjaci iz područja specijalne edukacije i rehabilitacije, logopedije i audiologije i socijalne pedagogije u radnom odnosu i obavljaju specijalnu edukacijsko-rehabilitacijsku, logopedsko-audiološku, socijalno pedagošku djelatnost u ustanovama u kojima se obavlja djelatnost zdravstva, nauke, odgoja i obrazovanja, socijalne zaštite, pravosuđa, u udruženjima i fondacijama, te privatnoj praksi.

Imajući u vidu navedeno, Prijedlog zakona o specijalnoj edukacijsko-rehabilitacijskoj, logopedsko-audiološkoj i socijalno-pedagoškoj djelatnosti, kojeg je predložila Meliha Bijedić, poslanica u Predstavničkom domu Parlamenta Federacije BiH se ne prihvata, jer su aktivnosti na izdavanju rješenja o osnivanju Komora i nadzora nad istim data nenadležnom organu, odnosno Federalnom ministarstvu rada i socijalne politike.

V. broj: 192 /2022
17.02.2022. godine
Sarajevo



PREMIJER

Fadil Novalić